

اتوار 2 فروری، 2020

مضمون۔ پیار

سنہری متن: 1 یوحنا 4 باب 11 آیت

”اے پیاریو! جدوں رب نے ساڈے نال اجیہا پیار رکھیاتے ساڈے اُتے وی اک دو جے نال پیار رکھنا فرض اے۔“

جوابی پڑھائی: 1 یوحنا 3 باب 18 آیت

لوقا 6 باب 31 آیت

1 یوحنا 3 باب 17، 16 آیتاں

یوحنا 15 باب 13 آیت

18۔ اے بچیو! اسی کلام تے زبان ای نال نہیں بلکہ کم تے سچائی دے راہیں وی پیار رکھئے۔

31۔ تے جیویں تسی چاؤندے او پئی لوک تہاڈے نال کرن تسی وی اوہناں دے نال اونج ای کرو۔

17۔ جیہیں کسے دے کول جگ دامال ہووے تے اوہ اپنے بھرانوں لوڑ وچ ویکھ کے رحم کرن وچ پرہیز کرے

تے اوہدے وچ رب دی محبت کیوں قائم رہ سکدی اے؟

16۔ اسی محبت نوں ایسے توں جانیا اے پئی اوہنے ساڈے واسطے اپنی جان دے دتی تے ساڈے اُتے وی بھرانواں واسطے جان دینا فرض اے۔

13۔ ایس توں بوہتی محبت کوئی بندہ نہیں کردا پئی اپنی جان اپنے دوستاں لئی دے دیوے۔

درسی وعظ

بائبل وچوں

1۔ یرمیاہ 5 باب 1 آیت

1۔ ہن یروشلم دیاں گلیاں وچ ایدھر اُدھر پھرتے ویکھوتے لکھوتے اوہدیاں گلیاں وچ لکھو جے کوئی بندہ ملے جیہڑا انصاف کرن والا تے سچھائی دا طالب ہووے تے میں اوہنوں معاف کراں گا۔

2۔ حزقی ایل 13 باب 1، 4، 5 آیتاں

1۔ تے خداوند اکلام میرے اُتے نازل ہوئیا۔

- 4۔ اے اسرائیل تیرے نبی اوہناں لومڑیاں وانگر نیں جیہڑیاں ویرانیاں وچ رہندیاں نیں۔
- 5۔ تسی رخنیاں اُتے نئیں گئے تے نہ ای بنی اسرائیل لئی فصیل بنائی تاں جو اوہ خداوند دے دن جنگ گاہ وچ کھلوون۔

### 3۔ حزقی ایل 22 باب 30 آیت

30۔ میں اوہناں دے وچکار لبھیا پئی کوئی اجیہا بندہ ملے جیہڑا فصیل بناوے تے اوس دھرتی لئی اوہدے رخنے وچ میرے سامنے کھلووے تاں جو میں اوہنوں ویران نہ کراں، پر کوئی نہ ملیا۔

### 4۔ عاموس 9 باب 11، 9 آیتاں

- 9۔ کیوں جے میں حکم کراں گاتے بنی اسرائیل نوں ساریاں قوماں وچ جیویں چھاننی نال چھان دے نیں چھاناں گاتے اک وی دانہ دھرتی اُتے ڈگے گانئیں۔
- 11۔ میں اوس دن داؤد دے ڈگے ہوئے گھرنوں کھڑا کر کے اوہدے رخنیاں نوں بند کراں گاتے اوہدے کھنڈراں نوں بند کر کے اوہنوں پہلے وانگر بناواں گا۔

### 5۔ یسعیاہ 58 باب 12 آیت

بائبل دا ایہ سبق پلین فیلڈ کرچن چرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسری سیکریٹری دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

12- تیرے لوکی پرانے سنسان مکاناں نوں بناؤن گے تے توں پیڑی توں پیڑی تیکر دیاں نیاں نوں برپا کریں گا۔ تے توں رخنے دا بند کرن والا تے آبادی لئی راہ نوں ٹھیک کرن والا اکھوائیں گا۔

## 6- متی 1 باب 1 آیت

1- یسوع مسیح داؤد دے پتر، ابراہام دے پتر دا نسب نامہ۔

## 7- متی 9 باب 35 توں 38 آیتاں

35- تے یسوع سارے پنڈاں تے شہراں وچ پھر دارہیا تے اوہناں دے عبادت خانیاں وچ تعلیم دیندا تے بادشاہی دی خوشخبری دی منادی کردا تے ہر طراں دی کمزوری نوں دور کردارہیا۔

36- تے جدوں اوہنے جتھے نوں ویکھیا تے اوہنوں لوکاں اُتے ترس آیا کیوں جے اوہ اوہناں بھیدیاں وانگر جنہاں دا چرواہانہ ہوئے خستہ تے پراگندہ سی۔

37- فیر اوہنے اپنے چیلیاں نوں آکھیا فصل تے بوہت اے پر مزدور تھوڑے نیں۔

38- ایس لئی فصل دے مالک دی منت کرو پئی اوہ اپنی فصل وڈھن لئی مزدور گھل دیوے۔

## 8- متی 10 باب 5 توں 8 آیتاں

5- ایہناں بارہ نوں یسوع نے گھلیاتے حکم دے کے آکھیا غیر قوماں ول نہ جائیوتے سامریاں دے کسے شہر وچ نہ وڑھنا۔

6- بلکہ اسرائیل دیاں گواچیاں ہونیاں بھیدیاں دے کول جائیو۔

7- تے تڑدیاں تڑدیاں ایہہ منادی کر یو پئی آسمان دی بادشاہی نیسٹے آگئی اے۔

8- بیماراں نوں چنگا کرنا۔ مردیاں نوں جلانا۔ کوڑھیاں نوں پاک کرنا۔ بدروحواں نوں کڈھنا۔ تسی مفت پایا مفت ای دیو۔

## 9- متی 5 باب 38 توں 47 آیتاں

38- تسی سن چکے اوہ پئی آکھیا گیا سی پئی آکھ دے بدلے آکھ تے دند دے بدلے دند۔

39- پر میں تہانوں آکھداں پئی شریردا مقابلہ نہ کرو بلکہ جیہڑا کوئی تیرے سبھے گل اُتے تھپڑ مارے دو جاوی اوہدے ول پھیر دے۔

40- تے جے کوئی تیرے اُتے نالش کر کے تیرا کرتالینا چاہوے تے چوغہ وی اوہنوں لین دے۔

41- تے جیہڑا کوئی تینوں اک کوس بیگار وچ لے جاوے اوہدے نال دو کوس چلا جا۔

42- جیہڑا کوئی تیتھوں منگے اوہنوں دے تے جیہڑا تیتھوں قرض چاہوے اوہدے توں منہ نہ موڑ۔

- 43- تسی سن چکے اوہ پئی آکھیا گیا سی پئی اپنے گوانڈی نال محبت رکھتے اپنے ویری نال ویر۔
- 44- میں تہانوں آکھدا نواں پئی اپنے ویریاں نال محبت رکھوتے اپنے ستاؤن والیاں لئی دعا کرو۔
- 45- تاں جو تسی اپنے پیو دے جیہڑا آسمان اُتے اے پتر ٹھہر ویکوں جے اوہ اپنے سورج نون بدال تے نیکاں دونوں اُتے چکاؤند اے تے راستباز تے ناراستاں دونوں اُتے مینہ ورھاؤند اے۔
- 46- کیوں جے تسی اپنے محبت رکھن والیاں نال ای محبت رکھوتے تہاڈا کیہ اجراے؟ کیہ محصول لین والے وی ایخ ای نہیں کردے؟
- 47- تے جے تسی صرف اپنے بھرانواں ای نون سلام کردے اوہ تے کیہ بوہتا کردے اوہ؟ کیہ غیر قوماں دے لوکی وی ایخ ای نہیں کردے؟

## 10- یوحنا 15 باب 12 آیت

12- میرا حکم ایہہ اے پئی جیویں میں تہاڈے نال محبت رکھی تسی وی اک دو جے نال محبت رکھو۔

## 11- یوحنا 17 باب 26، 20، 10، 9، 6، 1 آیتاں

1- یسوع نے ایہہ گلاں آکھیاں تے اپنیاں اکھیاں آسمان ول چک کے آکھیا اے باپ اوہ ویلہ اپڑ گیا اے۔ اپنے پتر دا جلال ظاہر کرتاں جو پتر تیرا جلال ظاہر کرے۔

6- میں تیرے ناں نوں اوہناں بندیاں اُتے ظاہر کیتا جنہاں نوں تُوں جگ وچوں مینوں دتا۔ اوہ تیرے سی تے تُوں اوہناں نوں مینوں دتاتے اوہناں نے تیرے کلام اُتے عمل کیتا۔

9- میں اوہناں لئی درخواست کرداں واں میں جگ لئی درخواست نہیں کردا بلکہ اوہناں لئی جنہاں نوں تُوں مینوں دتاتے کیوں جے اوہ تیرے نہیں۔

10- تے جو کجھ میرا اے اوہ سب کجھ تیرا اے تے جو تیرا اے اوہ میرا اے تے اوہناں توں میرا جلال ظاہر ہو گیا اے۔

20- میں صرف اوہناں لئی ای درخواست نہیں کردا بلکہ اوہناں لئی وی جیہڑے اوہناں دے کلام دے پاروں میرے اُتے ایمان لیاؤن گے۔

26- میں اوہناں نوں تیرے ناں توں واقف کیتا تے کردار ہواں گاتاں جو جیہڑی محبت تینوں میرے نال سی اوہ اوہناں وچ ہووے تے میں اوہناں وچ ہونواں۔

## 12- کلسیوں 1 باب 9 توں 11 آیتاں

9- ایس لئی جیس دن توں ایہہ سُنیا اے اسی وی تہادے واسطے ایہہ دعا کرن تے درخواست کرن توں باز نہیں آؤندے پئی تسی کمال روحانی سیان تے سمجھ دے نال اوہدی مرضی دے علم توں معمور ہو جاو۔

10- تاں جو تہاڈا ٹرنا پھر ناخدا اوندے قابل ہووے تے اوہنوں ہر طراں پسند آوے تے تہاڈے وچ ہر طراں دے نیک کم دا پھل لگے تے رب دی پچھان وچ ودھدے جاو۔

11- تے اوہدے جلال دی قدرت دے مطابق ہر طراں دی طاقت نال طاقتور ہندے جاووتاں جو خوشی دے نال ہر صورت وچ صبر تے تحمل کر سکو۔

### 13- 1 تمیتھیس 2 باب 1 توں 4، 8 آیتاں

- 1- ایس لئی میں سب توں پہلاں ایہہ نصیحت کرداںوں پئی مناجاتاں تے دعاواں تے التجاواں تے شکر گزاریاں ساریاں بندیاں لئی کیتیاں جان۔
- 2- بادشاہواں تے سارے وڈھادر جہ رکھن والیاں لئی ایس لئی پئی اسی کمال دینداری تے سنجیدگی نال امن و امان دے نال حیاتی گزارینے۔
- 3- ایہہ ساڈے مکتی دین والے رب دے نیہرے چنگا تے پسندیدہ اے۔
- 4- اوہ چاؤندا اے پئی سارے بندے مکتی پاؤن تے سچائی دی پچھان تیکر اپڑن۔
- 8- ایس لئی میں چاؤنداںوں پئی مردہرتھاں اُتے غصے تے لڑائی جھگڑے توں بغیر پاک ہتھاں نوں چک کے دعا کر یا کرن۔

### 14- یعقوب 5 باب 16 (دعا کرو) (توں)، 16 (دی) آیت

16- اک دو جے لئی دعا کرو،۔۔۔ راستباز دی دعا دے اثر نال بوہت کجھ ہو سکدا اے۔



## سائنس تے صحت

1- 18:266 (عالمگیر)۔9

عالمگیر محبت کر سچن سائنس وچ الہی راہ اے۔

2- 24-17:454

شفاتے تعلیم دونواں وچ رتب تے انسان نال پیار سچا پیار اے۔ پیار راہ نوں متاثر کردا، روشن کردا، چن داتے راہنمائی کردا اے۔ درست مقصد خیالاں نوں شہ دیندے، تے کلام تے اعمالاں نوں طاقت تے آزادی دیندے نیں۔ پیار سچائی دی الطار اُتے وڈھا نگہبان اے۔ فانی سیان دے پانیاں اُتے ٹرن تے کامل نظریہ بناؤن لئی صبر دے نال الہی پیار دی اڈیک کریئے۔ صبر نوں ”اپنا پورا کم کرنا چاہیدا اے۔“

3- 29-27:192

الہی مابعد الطبعیات دے فہم وچ ساڈے مالک دے نمونے اُتے اُتے تڑدیاں ہوئے اسی سچائی تے محبت دے نقش  
قدم اُتے تڑدے آں۔

4 17-12:31

مسیحی فرضاں دی فہرست وچ سب توں پہلا فرض اوہنے اپنے مگر ٹرن والیاں نوں سکھایا وہ سچائی تے پیار دی  
شفادین والی طاقت اے۔ اوہنے بے جان رسماں نوں کوئی اہمیت نہیں دتی۔ ایہہ جیوندہ مسیح، عملی سچائی ای  
اے جیہڑا مسیح نوں اوہناں ساریاں لئی ”قیامت تے حیاتی“ بناؤندا اے جیہڑے کماں وچ اوہدے مگر ٹردے  
نیں۔

5 9-3:4

صبر، حلیمی، پیار تے نیک کماں وچ ظاہر ہوون والے فضل وچ ترقی کرن دی پُرجوش تاہنگ لئی ساہنوں دعا  
کرن دی لوڑاے۔ اپنے استاد دے حکماں اُتے عمل کرنا تے اوہدے نمونے اُتے تڑنا ساڈے اُتے اوہدا ٹھیک  
قرض اے تے جو کجھ اوہنے کیتا اوہدی شکر گزاری دا کلاہ چنگا ثبوت اے۔

6 25-22:37

ایہہ ممکن اے، ہاں اے ہر بچے، مرد تے عورت دی ذمہ داری تے حق اے پئی اوہ حیاتی تے سچائی، صحت تے پاکیزگی دے اظہار دے پاروں مالک دے نمونے دی کسے حد تیکر پیروی کرن۔

7- 19-11:271

لاطینی وچ لفظ پیش کردہ نظم طالب علم ول اشارہ کردا اے تے ایہہ اشارہ کردا اے پئی شفائی طاقت اوہناں سکھن والیاں لئی مافوق الفطری تحفہ نئیں سی، بلکہ اوہناں دی حاصل کردہ الہی سائنس دی روحانی سمجھ سی، جیہدا اظہار اوہناں دے مالک نے بیمار تے پاپ کرن والیاں نوں شفا دیندیاں ہوئے کیتا۔ ایس لئی اوہدے اکھان دا عالمگیر اطلاق ایہہ اے: ”میں صرف اوہناں لئی ای درخواست نئیں کردا بلکہ اوہناں لئی وی جیہڑے اوہدے کلام دے پاروں میرے اُتے ایمان لیاؤن گے (میںوں سمجھن گے)۔“

8- 8-5:496

تسی ایہہ سکھو گے ایہہ کر سچن سائنس وچ پہلا فرض رب دی فرمانبرداری کرنا، اک سیان نوں قبول کرنا تے اک دو بے نال اپنے وانگر پیار کرنا اے۔

9- 20-18:88

کسے بندے دا اپنے گوانڈی نال اپنے وانگر پیار کرنا الہی خیال اے؛ پر ایہہ خیال بدنی فہم دے پاروں کدی  
ویکھیا، محسوس کیتا تے نہ ای سمجھیا جاسکدا اے۔

10- 19-12:275

روح، حیاتی، سچائی، پیار یکسانیت وچ جڑ جاندا ہے نیں، تے ایہہ سارے رب دے روحانی نال نیں۔ سارا کجھ  
مواد، ذہانت، حکمت، ہستی، لافانیت، وجہ تے اثر رب نال تعلق رکھدے نیں۔ ایہہ اوہدیاں خصلتاں نیں،  
یعنی لامتناہی الہی اصول، پیار دے ابدی اظہار۔ کوئی حکمت سیانی نیں سوائے اوہدی حکمت دے، کوئی سچائی  
سچی نیں، کوئی محبت پیاری نیں، کوئی حیاتی حیاتی نیں سوائے الہی دے، کوئی چنگا نیں سوائے اوہدے جیہڑی  
رب دیندا اے۔

11- 3-22:205

جدوں ساہنوں احساس ہندا اے پئی صرف اک ای سیان اے تے ساڈے گوانڈی دے نال اپنے وانگر پیار  
کرن دا الہی قانون سامنے آؤندا اے؛ جد کہ بوہت سارے حکمران ذہناں دا اک عقیدہ کلی سیان، گلے رب ول  
انسان دے معمولی جھکاؤ وچ رکاوٹ بن دا اے تے انسانی سوچ نوں اُلٹ راہ ول لے جاندا اے جتھے خود غرضی  
حکومت کردی اے۔

خود غرضی انسانی وجود دے ستون دی چنچھ غلطی ول پھیر دیندی اے نہ کہ سچائی ول۔ سیان دی وحدانیت  
توں انکار ساڈا وزن روح، رب تے چنگیائی دے پیمانے اُتے نہیں بلکہ مادے دے پیمانے اُتے پادیندا اے۔

جدوں اسی الہی دے نال اپنے رشتے نوں پوری طراں سمجھدے آں، تے اسی کوئی ہور سیان نہیں رکھدے  
سوائے اوہدی سیان دے، کوئی ہور محبت، حکمت یا سچائی نہیں رکھدے، حیاتی دا کوئی ہور فہم نہیں  
رکھدے، تے مادے یا غلطی دی وجودیت دا کوئی ہور شعور نہیں رکھدے۔

12- 8-3:113

سائنس دا خط آج تیزی دے نال انسانیت تیکر اڑد اے، پر لہدی روح بوہت چھوٹے درجیاں وچ آؤندی  
اے۔ کر سچن سائنس دا ضروری حصہ، دل تے جان، پیار اے۔ خط ایس توں بغیر سائنس دا مردہ جسم، بے  
جان، ٹھنڈا، بے حس توں اے۔

13- 16-5:9

ہر دعادی پر کھ لیہناں سوالات دے جواب وچ پائی جانندی اے: کیہ اسی اپنے گوانڈی نال ایس حکم دی بناتے  
چنگا پیار کر دے آں؟ بھانویں اسی ساڈی دعادے نال لگاتار حیاتی گزار دیاں ہوئے ساڈیاں التجاواں دی  
تابع داری دا کوئی ثبوت فراہم نہیں کر دے، تے کیہ اسی کسے چنگی شے لئی دعا کرن تے مطمئن ہو کے اسی ساڈی

بائبل دا ایہ سبق پلین فیلڈ کر سچن پرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسری سیکریٹری دی لکھی ہوئی کر سچن سائنس دی درسی  
کتاب، ”سائنس تے صحت آیتاں دی کئی دے نال“ وچوں لیاں ہوئیاں لازمی تحریراں نال بنیاں۔

پرانی خود غرضی دیکھ کر دے آں؟ جے خود غرضی نے ہمدردی نوں تھان دے دتی اے، تے اسی اپنے گوانڈی دے نال بے غرضی نال سلوک رکھاں گے، تے اپنے لعنت گھلن والیاں لئی برکت چاہواں گے؛ پر اسی ایس وڈھے فرض تیکر صرف ایہہ منگن نال کدی نئیں اڑ سکدے پئی ایہہ بس ہو جاوے۔ ساڈے ایمان تے امید دے پھل دامزہ لین توں پہلاں ساہنوں اک سولی نوں چکناں پئے گا۔

14- 2-31، 19-15:365

جے سائنسدان الہی محبت دے پاروں اپنے مریض تیکر اڑدا اے، تے شفا سیہ کم اک ای آمد وچ مکمل ہو جاوے گا، تے بیماری اپنے آبائی عدم وچ غائب ہو جاوے گی جیویں پئی فجر دے ویلے سورج دی لو توں پہلاں تریل ہندی اے۔

دکھ چکناں والے غریب دل نوں مناسب غذا نیت دی لوڑ ہندی اے، جیویں پئی سکون، مصیبت وچ صبر تے پیارے پیو دی شفقت، ہمدردی دا انمول فہم۔

15- 23-13:518

رب اپنے آپ دا تصور وڈھے دے نال اک رابطے لئی چھوٹے نوں دیندا اے، تے بدلے وچ، وڈھا ہمیشہ چھوٹے دی حفاظت کردا اے۔ روح دے امیر لوک وڈھی بھرا بندی وچ، اک اصول یا پیو دے راہیں،

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکریٹری دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

غریباں دی مدد کر دے نیں تے دھن اے اوہ بندہ جیہڑا دوجے بندے دی بھلیائی وچ اپنی بھلیائی ویکھدا اے، اپنے بھرا دی لوڑ ویکھدا اے تے پوری کر دالے۔ محبت ماڑے روحانی خیال نوں طاقت، لافانیت تے بھلیائی دیندی اے جیہڑی ساریاں وچ ایچ ایچ چمکدی اے جیویں اک نویں ڈھوڈی ٹھنی اُتے چمکدی اے۔ رب دے بارے سارے وکھرے اظہار صحت، پاکیزگی، لافانیت، لامحدود حیاتی سچپائی تے محبت دی عکاسی کر دے نیں۔

16- 572:6-8، 12-17

”آپس وچ محبت رکھیے“ (1 یوحنا 3 باب 23 آیت)، الہامی لکھاری دی سب توں سادہ تے ڈونگی نصیحت اے۔

محبت کر سچن سائنس دے قانون نوں پورا کر دی اے، تے ایس الہی اصول توں بگیں کجھ وی، سمجھیا جان والا تے ظاہر ہون والا، اسمانی کتاب دی بصیرت نوں آراستہ نئیں کر سکدا، ایہہ کتاب جیہڑی سچپائی دے نال غلطی دیاں ست مہراں کھولدی اے یا پاپ، بیماری تے موت دے ہزاراں وھاں نوں بے نقاب کر دی اے۔

## روزانہ دے فرض

## میری بیکراڈی ولوں

## روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”میری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

## مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

## فرض لئی چستی



ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔